

UGOVOR

o nabavci interaktivnih tabli za javne škole na području Kantona Sarajevo

Zaključen dana 11.05.2020. godine između:

1. UGOVORNE STRANE :

KANTON SARAJEVO

MINISTARSTVO ZA OBRAZOVANJE, NAUKU I MLADE KANTONA SARAJEVO
sa sjedištem u Sarajevu, ul. Reisa Džemaludina Čauševića br. 1, ID broj: 4200666870003,
kojeg zastupa mr. Anis Krivić, ministar **(u daljem tekstu: Naručilac)**

KAMER COMMERCE d.o.o. Sarajevo, sa sjedištem na Ilidži, ul. Blažijski drum 14, ID broj: 4200086440001, kojeg zastupa Sead Fejzagić, direktor **(u daljem tekstu: Dobavljač)**

2. PREDMET UGOVORA:

Predmet Ugovora je nabavka interaktivnih tabli za javne škole na području Kantona Sarajevo u nadležnosti Ministarstva za obrazovanje, nauku i mlade Kantona Sarajevo u skladu sa ponudom broj: 700/19 od 05.12.2019. godine.

3. OBIM ISPORUKA:

Obim isporuka iskazan u tački 2. ovog Ugovora, obuhvata:

- isporuku interaktivnih tabli u prostorijama koje odredi Kupac;
- održavanje u garantnom roku.

4. CIJENA:

Ukupna cijena za nabavku i isporuku interaktivnih tabli po ovom Ugovoru iznosi:

1. Cijena bez PDV-a 165.750,00 KM

2. PDV 28.177,50 KM

3. Cijena sa PDV-om 193.927,50 KM

Slovima: (stotinudevedesettrihiljadedevetstotinadvadesetsedam i 50/100 KM)

Cijena po ovom Ugovoru podrazumijeva paritet fco Sarajevo, isporučeno na sjedište koje odredi Kupac, ocarinjeno, sa porezom na dodanu vrijednost.

5. NAČIN PLAĆANJA:

Naručilac će plaćanje ugovornih obaveza Dobavljaču izvršiti u roku od 30 dana od dana dostavljanja fakture za isporučene robe, a na transakcijski račun Dobavljača broj: 1410010000366146 otvoren kod Bosna Bank International. Dobavljač je saglasan da Naručiocu neće zaručivati zatezne kamate za zakašnjenje pri plaćanju preko "Trezora", ako je Naručilac u ugovorenom roku predao nalog za plaćanje, a Dobavljač primio uplatu sa odgodom od jednog ili više dana od ugovorenog roka iz stava 1. ovog člana.

6. ROKOVI:

Rok za isporuku opreme iz tačke 1. ovog Ugovora je odmah po potpisivanju Ugovora, a najdalje u roku od 60 dana.

7. PRIMOPREDAJA

Primopredaja opreme vrši se potpisom otpremnice, a ista se potpisuje nakon kvalitativnog i kvantitativnog prijema opreme, koju će izvršiti nadzorni organ kojeg odredi Ministarstvo za obrazovanje, nauku i mlade Kantona Sarajevo. Ukoliko se pregledom utvrdi da kvalitet i kvantitet ponuđene opreme ne odgovara traženom, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

8. GARANCIJE:

Za ugovorenu opreme iz tačke 1. ovog Ugovora Prodavac daje garanciju na kvalitet i funkcionalnost u trajanju od:

a) 12 (dvanaest) mjeseci od dana isporuke.

Garancija za kompletnu opremu obuhvata sve kvarove nastale usljed grešaka u projektiranju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavati će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi opreme ostaju vlasništvo Prodavca.

Garancija se ne priznaje u slučaju kada je do kvara na opremi došlo usljed:

1. nepravilne, nestručne upotrebe opreme,
2. neadekvatnih uslova za rada opreme,
3. više sile i
4. drugih nepredviđenih događaja.

Dobavljač će Naručiocu u roku od 10 dana od dana zaključenja Ugovora (obostranog potpisivanja), dostaviti Bezuslovnu bankovnu garanciju za uredno izvršenje Ugovora u iznosu od 10% od vrijednosti Ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti ugovora +90 (devedeset) dana.

Naručilac gubi pravo na garanciju ako u toku garantnog perioda, bez pristanka Dobavljača, sam ili putem trećih lica vrši popravke na predmetu Ugovora.

9. OBAVEZE KUPCA/PRODAVCA:

Kupac i Prodavac se obavezuju da u roku od 24h od potpisa Ugovora pismeno obavijesti Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.

Prodavac se obavezuje da će po isteku garantnog roka obezbjediti Kupcu nabavku rezervnih dijelova u periodu od najmanje 36 mjeseci, kao i da će omogućiti Kupcu ukoliko on to bude tražio sklapanje Ugovora o održavanju opreme.

10. SPOROVI

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

11. ZAVRŠNE ODREDBE

Sve eventualne dopune i izmjene ovog Ugovora moguće je obaviti pismeno potpisivanjem Anex-a osnovnog Ugovora, uz saglasnost ugovornih strana.

Ovaj ugovor je sastavljen u 6 (šest) istovjetnih primjeraka od kojih svaka ugovorna strana dobija po 3 (tri) primjerka.

Dobavljač

KAMER COMMERCE d.o.o Sarajevo

irektor

Sead Fejzagić



Broj: 827/20

Sarajevo, 18.05.2020. godine

Naručilac

Ministarstvo za obrazovanje, nauku i
mlađe Kantona Sarajevo

Ministar

Mr. Anis Krivic



Broj: 07-14-38991-25/19

Sarajevo, 11.05.2020. godine